





關稅三分利中應徵年地丁錢糧各項稅租均著優至光緒二十四年秋後徵收其應徵中米穀草束社課學租旗產錢糧及海防費河道錢糧備軍餉廣恩庫租通津一帶中租均照民地之例分別蠲免其有出借倉穀籽種口糧牛具等項及兵部馬館租銀備補租永濟庫租帶徵租者一體照至光緒二十四年秋後徵收並分別減免差溢又大城縣成熱鄉莊今歲雖獲有秋惟因連年水災民困未蘇著將節手民欠錢糧緩至光緒二十四年秋後徵收以紓民力餘著照所議辦理該部知道欽此

十月二十八日 皇台臺大人稟辭 二十九日 海關道李大人 候補道承大人 候補同知楊乃昭 均稟見

嗚呼吾人而知英人開化之說為不可信也夫所謂開化之民開化之國必其有權而不以侮人有為而不以辱人一事之至平乎人情乎天理乎量而後出凡橫逆之事不欲人之加諸我也吾亦毋以施於人此道也何道也人與人以此相待謂之公理國與國以此相待謂之公法其議論人國之事持此以判曲直別是非謂之公論凡地球進化之國之民其自待待人大率由此道也乃本館讀西歷十一月十八號路透社電謂太晤士報深許德與中國交涉所用之權力并謂英之舉動與此相類雖電音簡略該報所論其詳不可得聞然其宗旨大要不外乎武備之強弱為英人不取也夫德人借端案突爾膠澳此不待以野蠻生番之道待吾中國直以野蠻生番之舉動自待而已矣吾之與德有和約之國也山東有官治之地也假使德人者當教士遇害之後德之府縣府縣不理吾之督撫督撫不理德之總督總督不理山東之全地可也今官吏方在緝捕 朝廷甫及聞知談笑未畢輒楚相隨奪我電報逼我守土之官逐我駐防之兵儼然以敵國相待此不過恃其一時兵力乘我不備掩而襲之其與海盜行劫青囊攫金之子又何異哉雖然德人之背公理蔑公法忍而為此也其亦有故矣乙未遼東之役步俄法之後塵而得吾之利益未足旁觀者又從而誦笑之於是因貪成憤其憤憤橫決之思若失在茲特微而發幸有教士被害之事度其君臣必欣欣然作色相告曰此吾素願中國之機會至矣時哉時哉不可復失遂置一切公道於不顧忽發野蠻之心思生番之面目利之所在雖大不義而亦蹈之吾昔中國常以夷目外人而外人不受今若此則又何以自解於惡名耶天德之刑罰公理之所在為國可取法嗟乎何從歐美兩洲人士游莫不謂地球開化之國英為首而太晤士報館又為其一時名士大夫所會合此論地則英之國民其亦猶有野蠻生番之性也嗚呼聞者有英人商於希爾者為錢財小數與希人爭毆壞其房舍英人控之英廷英政府即派兵船數艘守希口岸索償一十萬磅明年未了各國報館爭起而譏英廷之失英乃前後命使臣四人往希查考後始得直賠英金一百二十萬磅事遂結矣夫各報館之譏英公論也英廷之不自護其短公道也往者英人之以兵逼希與今日德人之以兵要我其情事無異也乃昔之英人猶不自護其短而今之英人反護其短則英之民智轉卑民德轉墮其國家之治化且視昔為退矣由此觀之公道何在公道何在英人猶能執牛耳而為西方之盟主乎吾竊為英人不取也彼德人則更無言焉耳

山東教案十誌

德兵船到膠澳後通令該處防軍章軍門退裝軍營嗣退至滄口地方約離原裝之青島十餘里工疊紀前報茲接山東訪事人來電本月十五日德人又通令章軍門再行遣退軍門不允德人即將軍門辦事所任之屋封鎖禁錮勒令章軍門同至兵船往見該國水師提督相與動真可謂狂妄之尤者矣來電又云德人現在於青島地方大興土木建造兵居其情形大約有屯兵過冬之意云

天津本地新聞

鎮標各獎 ○通永鎮買制壇軍門以標下馬兵張永發趙永書杜鴻儒韓邦等四名歷在清河等處拿獲要案賊犯多名不無勞足錄詳請制壇均賞給七品頂戴以示鼓勵

領餉旋津 ○前報登營委領餉一節頃悉該員已由津回京領餉到津道遠運來津業於昨昨晚抵津開領俟俟領餉後還例由清軍府轉給兵弁勿冊呈由道憲牌示定期當堂領餉

定期開操 ○我處操場稟請批示各節已悉前報茲悉已蒙鎮標批飭於本月二十日午時開操至五點鐘在操場開操操陣及各項技藝毋得遲誤

失足落水 ○唐某口某姓婦人昨因事出門至某村渡河不意天寒地凍河上冰而立足未穩竟傾跌入河幸此處水本不深當即拉起而衣履濡濡已似水淋之難矣

洋車脫輻 ○昨晚有東洋車拉客行至海大道之某處行至某處時輻條斷折車輪脫輻客身均染汚泥欲扭車夫理說發旁人再三勸止始另覓一車而去

局開還客 ○有張順者自豫來津寓居西門外某小舖因店有小賭招攬入局張不知就裏率然應命追事畢核算張除所輸現錢不計外尚欠錢七千五百文因勒令將所輸之錢作抵始得離去

留心剪髮 ○二十七日晚間有李姓者赴河東汛報稱在官渡口被賊剪去眼鏡盒一個約值銀十餘兩請予差緝等云刻已飭勇四處訪尋未卜能將賊匪緝獲否

派差守庫 ○昨由府署差傳縣役入署值宿守庫等云當經邑尊遵派一皂二壯一快協同鹽捕共五班頭役按日前在府署值宿應差以庫庫守

分府示諭 ○天津漕河捕清軍府為出示曉諭事照得津武漁業等課向歸本府徵收除撥火各村不計外其餘之村應照常徵收為此諭催糧催差一體知悉嗣後十日一比有未經完納或完不足數者定將兩等重懲不貸其各懷之慎之

縣案瑣錄 ○昨有王姓板拾一人赴縣報稱被賊剪去銀錢等物經縣批飭差緝獲賊匪一名並將銀錢等物發還王姓以昭信

縣批錄要 ○延生社執事楊俊元等在西門外施賑恐有無賴滋擾情事即懇官示嚴禁批候照案給發示諭○計委氏與楊氏夫前隨李中堂來津另配金氏為妻給氏并子卿房一問現經金氏挑唆將氏往房來賣氏回阻攔不料金氏之父金九將氏毆打并將家具扎毀叩乞作主被批飭傷已驗該氏如果恪守婦道氏夫許起廷即許登堂聽斷金氏挑唆與氏不和且查該氏於十六年間與許啟亭步訟經街鄰重議等說合完事息內有給氏川資回省及不再找尋等語是離異已有成議維時金氏尚未進許姓之門豈亦係金氏挑唆所致耶許起廷等欲將氏房出賣氏向與金九無干從旁勸解事或有之斷不能即將該氏毆打并將家具扎毀之理察核該氏有損飾情弊不准○縣批控王樹盈誣賴倫伊花生叩乞伸冤批此等口角細故亦竟來縣與訟殊為一健不准此佈

京師新聞

玉照告成 ○玉照館論催各承辦緊鑼交以便裝潢平歷各節已詳前報頃悉各檔冊業於本月二十五日一律交齊每日各堂官輪流進館閱看催以便如期告成進呈 御覽云

幾光如如 ○彰德門內某舖店因何神然放炮竹餘燄飄落適於屋後柴堆頃刻烈燄神風四散幸人手眾多即汲水撲救當時幾成災然幸得不後矣

合場衙門請獎出力之地方文武印官情勢專員通州巡撫武弁暨官場所屬各員弁銜名清單

二品頂戴通永道沈能虎二品銜前署通永道直隸候補道張運芬均請 交部從優議敘 通州協副將傅介紳請加副將銜花翎在任候補知府順天東路同知劉仲璋請補知府後以道員用 署通州知州知府在任候補同知直隸州涿州知州嚴曉蘭開去知州以同知直隸州補用前署通州知州候補知州孫壽臣請 交部從優議敘 通州理事通判鍾福請以六部員外郎在任選用六品銜補用知州在任候補主簿通州吏目程家俊請補主簿任歸州判班後加五品銜六品銜州吏目用通濟庫大使朱瑞請補州吏目後以主簿用